

Broj: 02-30-1896/22
Sarajevo, 01.04.2022. godine

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
ZASTUPNIČKI DOM
Sekretar**

**ZASTUPNIK ZASTUPNIČKOG DOMA
PARLAMENTA FEDERACIJE BIH
Gđa Belma Pojskić**

**VLADA FEDERACIJE BIH
n/p Sekretara**

PREDMET: Odgovor na zastupničko pitanje – dostavlja se

Veza: Akt Vlade Federacije Bosne i Hercegovine broj: 03-04-321-17/2022 od 17.03.2022.godine zaprimljen 22.03.2022.godine.

Poštovana/i,

Federalno ministarstvo zdravstva zaprimilo je akt Vlade Federacije Bosne i Hercegovine broj: 03-04-321-17/2022 od 17.03.2022.godine kojim se prosljeđuje zastupničko pitanje zastupnice u Zastupničkom domu Parlamenta Federacije Bosne i Hercegovine gđe Belme Pojskić postavljeno na 30. redovnoj sjednici održanoj 09.03.2022.godine.

Kako se radi o pitanju iz oblasti zdravstva, u prilogu dostavljamo odgovor Federalnog ministarstva zdravstva.

S poštovanjem,

Po ovlaštenju Vlade Federacije BiH
POMOĆNIK MINISTRA

Prim.dr. Marina Bera

PRILOG:
- kao u tekstu

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primijeno: 15-04-2022			
Org. jed.	Broj	Priloga	Vrijednost
05/1	-02-	101	/22

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO ZDRAVSTVA

BOSNIA AND HERZEGOVINA
FEDERATION OF BOSNIA AND HERZEGOVINA
FEDERAL MINISTRY OF HEALTH

ODGOVOR
NA ZASTUPNIČKO PITANJE BELME POJSKIĆ
ZASTUPNIKA U ZASTUPNIČKOM DOMU
PARLAMENTA FEDERACIJE BOSNE I HERCEGOVINE

Sarajevo, april 2022. godine

I

BELMA POJSKIĆ, zastupnica u Zastupničkom domu Parlamenta Federacije Bosne i Hercegovine, na 30. redovnoj sjednici Zastupničkog doma Parlamenta Federacije BiH, održanoj 09.03.2022. godine, postavila je slijedeće zastupničko pitanje:

„Hvala lijepo. Sve vas srdačno pozdravljam. Moje pitanje je upućeno Federalnom ministarstvu zdravlja: Da li postoji mogućnost da se na mjesečnom nivou organizuje polaganje stručnog ispita za ljekare? I drugo pitanje je: Da li dobiveni certifikat je važeći na cijeloj teritoriji BiH? Obrazloženje mog pitanja je da diplomirani ljekari godinama polažu ispite u Banja Luci, plaćaju 300 maraka svaki izlaza na ispit a naročito u zadnje vrijeme u razgovoru sa tim mladim ljekarima dobivam informacije da su često izloženi malicioznim komentarima ispitivača profesora iz Beograda o kvalitetu edukacije koju su prošli ovdje na našim terenima što je ponižavajuće i za te mlade ljude a naročito pogotovo i za nas. Hvala lijepo“.

II

Na postavljena zastupnička pitanja Federalno ministarstvo zdravstva daje slijedeće:

ODGOVOR

U članu 145. Zakona o zdravstvenoj zaštiti („Službene novine Federacije BiH“, broj 46/10 i 75/13) utvrđeno je da nakon obavljenog pripravničkog staža zdravstveni radnici koji su završili fakultet zdravstvenog usmjerenja polažu stručni ispit pred Ispitnom komisijom Federalnog ministarstva, a zdravstveni radnici koji su završili srednju školu zdravstvenog usmjerenja pred Ispitnom komisijom kantonalnog ministarstva.

Izuzeto iz stava 1. ovog člana, zdravstveni radnici koji su završili fakultet zdravstvenog usmjerenja po bolonjskom procesu, odmah nakon završenog obrazovanja mogu polagati stručni ispit pred Komisijom Federalnog ministarstva.

Također Pravilnikom o pripravničkom stažu i stručnom ispitu zdravstvenih radnika („Službene novine Federacije BiH“ br. 99/21 i 12/22) u članu 28. utvrđeno je da zdravstveni radnici koji su završili fakultet zdravstvenog usmjerenja po bolonjskom procesu i u okviru studija obavili stručnu praksu ne obavljaju pripravnički staž, te nakon završenog fakulteta mogu pristupiti polaganju stručnog ispita uz uredno dokumentiran zahtjev čiji je sadržaj propisan navedenim pravilnikom.

Saglasno nadležnostima koje su propisane gore pomenutim Pravilnikom i Zakonom, ovo ministarstvo organizira polaganje stručnih ispita za zdravstvene radnike prateći dinamiku prijave kandidata svih profila zdravstvenih radnika visoke stručne sprema pa tako i doktora medicine.

Prateći dinamiku broja prijavljenih kandidata za polaganje stručnog ispita isti se organiziraju i više puta u toku jednog mjeseca.

Naglašavamo da, ovo ministarstvo iz okvira nadležnosti organizira stručne ispite zdravstvenih radnika svih profila, bez obzira na to da li se radi o jednom ili više prijavljenih kandidata za polaganje stručnog ispita.

Također napominjemo i to da, nikada nismo imali prigovora od strane kandidata da se za one koji su prijavljeni nije organizirao stručni ispit.

U konkretnom slučaju, za doktore medicine, dinamika rokova za polaganje stručnih ispita dogovarat će se u konsultaciji sa studentima.

Nadalje, u vezi drugog pitanja koji se odnosi na to da li su dobiveni certifikati važeći u cijeloj BiH, informiramo Vas da ovo ministarstvo iz okvira nadležnosti ne tumači propise koji se tiču priznavanja javnih isprava na teritoriju BiH te Vas upućujemo na propise koji su vezani za priznavanje javnih isprava, odnosno na Zakon o važnosti javnih isprava u BiH.

Napominjemo i to da, do sada nemamo službenih saznanja o eventualnom nepriznavanju na teritoriju BiH uvjerenja o položenom stručnom ispitu koje ovo ministarstvo izdaje zdravstvenim radnicima nakon položenog stručnog ispita.